


ઈવી રીતે દેવે સો દનમ હરગ, ધરતી ને તેનમાંની બદી સીજેન બજાવેનું કામ પુરું કર્યું. દેવે હાતમા દનને આસીસ આલી ને તેન પવીતર દન તરીકે નાળો કર્યો. એમ એદનવાડીમ આદમ ને હવા દેવનું તાજું માનેન ખુસમં રેવા લાગ્યં. દેવેસ તેનનો પરબુ હેતો, તી તેનનો મદદ કરવાવાળો ને ભાયબન હેતો.

19

સરુવાતમં દેવે બદી સીજે બજાવી
બાયબલમાંહી મન દેવની વાતેમં,
વારતાવે મળી સે
ઉતપતી ૧-૨

“ઝી આપડ જીવનમં ઈજવાળું આલે સે.”
ગીતસાસતર-૧૧૯:૧૩૦

સરુવાતમં દેવે બદી સીજે બજાવી



લખવાવાળો Edward Hughes
સીતરો હાલે Byron Unger; Lazarus

અનુવાદ કરવાવાળો સસીનકુમાર ભુરજ્યો
બજાવાવાળો Bob Davies; Tammy S.

Story 1 of 60

M1914.org

Bible for Children, PO Box 3, Winnipeg MB R3C 2G1 Canada

પરવાનગી: તમું ઈની વારતાવેન સપાવે સકો સે, ઈ સોપડજ્યે વેસવા હારુ નેમળે.

દેવ જાણે સે કે આપુંચ એવા ગુના કર્યા સે કે જેનંન તી પાપ ગણે સે ને પાપની સજ્યા મરણ સે. દેવ આપુનંન એતરો પરેમ કરે સે કે તેને તેન સોરા ઈસુ મસીન કાડયો કે, આપડ પાપોની સજ્યા હારુ તી ક્રુસ ઈપેર સડેન પુતેનો જીવ આલે. ઈસુ મસી મરયો ને પાસો જીવતો થાયન હરગમં સડી જયો. દેવ હાઉ આપડ પાપોની માફી આલે સકે સે જે આપું આપડ ગુના ને પાપોહી બસવા માંગતં વેતે તેન પરાથના કરો. વાલા દેવ મન વીસવાહ સે કે ઈસુ મસીવે માર હારુ પુતેના જીવનનું બલીદાન આલયું ને હાઉ તી પાસો જીવતો થાયો સે. એ દેવ તું માર જીવનમં આવ ને માર પાપો માફ કર. કેમકે હું એક નવું જીવન જીવી સકું ને કાયમ તાર હાતે રે સકું. એ દેવ મારી મદદ કર કે હું તાર સોરાન જેમ તાર હારુ જીવી સકું...આમેન. યોહાન ૩-૧૬


બાયબલ વાસેન રુજ રુજ દેવ હાતે વાત કરો.

મીલી

Bhili

આપુનંન કુને બજાવ્યં? બાયબલમં દેવે મનાબના સોબાવ વીસે લખેલું સે કે, સરુવાતમં દેવે મનાબ બજાવ્યું. જેનું નામ આદમ હેતું.


દેવે ગારમાંહી આદમને બજાવ્યો. તેન પસે દેવે તેનમં હા કુક્યો. એતરે તેનમં જીવ આયો. તેન પસે તેન એક વાડીમ મેલયો જે એદનવાડી તરીકે વળખાય સે.



1


2

દેવે આદમને બણાવા પેલ ઘણી નવાય લાગે ઈવી
અસલની દનયં બણાવી.



3

એક પસે એક દેવે ડુંગોર, ઘાટજયે ને ખોડની જગા, લામં લામં રોખડં ને
અસલ ગંદાવાવાળું ફૂલં હરગમં ઉડવાવાળું કડલતી પાખેવાળું જનાવરં, ને
ગણ ગણ કરતી ભમરજયે, મુટી મુટી સમકે ઈવી માસલજયે ને દરજયામ
રેવાવાળું મુટં મુટં જનાવરં બણાયં.




4

તેનમ હમણં ઝી પોણ સીજે આં સે, તી બદી સીજેન દેવે બણાવી.




5

સરુવાતમં દેવ સીવાય કયસ
નેહેતું. કય સીજ, જગા કે
મનાખં કયસ નેહેતું. નેઈદાહું
કે ઈજવાળું, નેહરગ કે
ધરતી. ને, દન કે રાત,
આં ખાલી દેવનો આતમા
(દેવ) હેતો. તેને અજુ
કયસ બણાયું નેહેતું.
પસે દેવે બહું બણાવેનું
સાલુ કર્યું. સરુવાતમં દેવે
હરગ ને ધરતીન બણાયં.




6

ધરતી ખાલી ને વેરવખેર હેતી.
અન સીયારેમેર ઈદાહું
હેતું. તેરં દેવે કેદું,
ઈજવાળું
થાવ.



7

અન ઈજવાળું થાય જ્યું. દેવે ઈજવાળાનું નામ દન ને ઈદારાનું નામ રાત
પાડ્યું. તેન પસે હાંજ પડી ને હવેર થાયી તેરં પેલખો દન હેતો.




8

બીજે દન દેવે કેદું, ધરતી ઈપેરનું પાણે એક જંગય લેળું થાવ, ને તેનેસ
પરમણે તો થાયું. તેરં બીજો દન હેતો. તોણમે દન દેવે કેદું, હુકી જગા
નજરે પડો. દેવે હુકી જગાન ધરતી કીદી ને ભેગા થાયલા પાણેન દરજયો
કેદો.




9

દેવે ઘાન પેદા કરવાવાળું ખોડ ને સોડ ઉગે એવો હુકમ કર્યો. અન
પુતપુતારી જાત પરમણેનં બી ઉગી નીકળયં. તેન
પસે હાંજ પડી ને હવેર થાયી
તેરં તોણમો દન હેતો.



10

તેન પસે દેવે દન, સાંદ ને તારા
પોણ બણાયા. ઝેનંન કોય ગણે
નેરકે. હાંજ પડી ને હવેર થાયી
તેરં સીયારમો દન હેતો.



11

પસે દેવે દરજયામ સમકે એવં મુટં મુટં
જીવજંતું ને હરગમં ઉડવાવાળું બદી
જાતનં જનાવરંન પોણ બણાયં.
પાંસમે દન દેવે મુટી માસલજયે
ને નાની માસલજયે બણાવજયે.
લામં પોગંવાળું સાહમુરગ ને કલરવ
કરતં નાનંનાનં ઉડવાવાળું જનાવરં દેવે
બદી જાતની માસલજયે ને ઉડવાવાળું
જનાવરં તી ધરતી, હરગ ને દરજયામ
ખુસીમ રેતં હેતં. તેરં હાંજ પડી ને
હવેર થાયી પાંસમો દન હેતો.



12

તેન પસે દેવે પાસું કેદું કે, હાઉ આપું ધરતી ઈપેર બદી જાતનં જીવતં
જનાવરં બણાવજયે, બદી જાતનં પાળવાવાળું જનાવરં, પેટે ઘહેડાવાવાળું
જનાવરં, કીડા, મકુડા ને રગવાવાળું જનાવરં બણાયં. તેનમ ધરતીન પોણ
હલાવે નાખે એવો હાથી ને જંગલી જનાવરં બણાયં. તુણની વાંદરો, મુટો
મગર, ખીલુડી ટોળામ રેવાવાળો જીરાડ મીયાઉ મીયાઉ કરવાવાળી
બીલાડજયે બણાવજયે. તેને દન બદી જાતનં જનાવરંન દેવે બણાયં. તેરં
હાંજ પડી ને હવેર થાયી તેરં સોમો દન હેતો.




13

તેન પસે દેવે કેદું, હાઉ આપું મનાખ બણાવજયે. તો આપડ હરકું ને
આપડમં મળતું વે એવું. એતરે તો દરજયામાંનં માસલં ઈપેર, હરગમં
ઉડવાવાળું જનાવરં ઈપેર, ધરતીનં બદં જનાવરં ઈપેર ને
નાનં પેટે ઘહેડાવાવાળું જીવજંતું
ઈપેર અધીકાર સલાડં.




14

તેન પસે દેવે આદમને કેદું,
તારે વાડીમાંનં બદં રોખડંન
ક્ષેળં ખાવં. પોણ તારે
ભલા ને ભુંગાની હમજ
આલવાવાળા રોખડાનું
ક્ષેળ નેખાવેનું. ઝો તું એના
રોખડાનું ક્ષેળ ખાહી તે તારું
મરણ નકી તેનેસ દન થાહે.



15

તેરં દેવે કેદું, મનાખનું એખલું રેવું
તાજું નેમળે. એતરે હું તેન હારુ
એક મદદ કરવાવાળી બણાવે.



16

એતરે દેવ બદી જાતનં હરગમં ઉડવાવાળું જનાવરં, જંગલમં રેવાવાળું
બદં જનાવરંન ને મનાખ પાળે સકે તેવં જનાવરંન આદમને અગડ લાયો ને
તેને તેનં બદંનં નામં પાડયં. તેને યો કામ ઘણી
હુસજયારીહી કર્યું. પોણ એનં બદં જનાવરંમ
આદમને મદદ મળે રે એવું કોય નેમળયું.



17

એતરે દેવ આદમને એક પાડામ લીજયો ને તેન ભારી નીદરમં
નાખયો. ઝેરં તી હુતો હેતો તેરં દેવે તેન ડીલમાંહી એક પાહળી કાડી. દેવે
મનાખમાંહી કાડીલી પાહળીહી એક બજયેર
બણાવી. તેન પસે દેવ તીની બજયેરને
આદમ કન લાયો. એમ દેવે બણાવી
તે બજયેર આદમને મદદ
કરવાવાળી બણી.



18